

OPTICA MODERNA A HABRI SU EDIFICIO NOBO

Nan tin un Optometrista na nan servicio

ORANJESTAD (AAN): Ayera prensa a haya oportunidad pa cera conoci cu e optometrista Dra. Nancy Ramirez kende lo ta e experto na Optica Moderna, cual a habri oficialmente tambe pa 6'or di atardi.

Optica Moderna a ser funda originalmente hopi aña pasa como un division di Spritzer & Fuhrmann y ta situa den Nassaustraad desde 1966. Gerencia di e joyeria aki a dicidi na 1987 cu nan lo concentra mas riba joyas y na September 1987 Optica Moderna na Aruba a ser tuma pa Steven Bowen kende tabata hefe di e division optico e tempo ey.

Despues cu un peticion a ser haci pa Sr. Bowen, Consejo di Ministranan a haci posible pa un optometrista por prescribi bril y contact lens pa prome biaha na Aruba. Sr. Bowen a haci e peticion aki pasobra semper el a pensa cu ta mihor pa pacientenan cu e ta traha cerca cu e persona cu ta prescribi su bril.

E dia despues di a ricibi e carta cu ta bisa cu esaki ta posible, a bira conoci cu Spritzer & Fuhrmann lo bay

declara nan mes bancarota y cu e lugar lo worde bendi.

Despues di hopi luna buscando lugar nobo, a dicidi pa construi un edificio nobo. Esaki a ser diseña y traha cu servicio den mente. No solamente espacioso, moderno, bon ilumina cu espacioso lugar pa staciona, pero cu e accento riba e banda clinico y pesey tin e habitacionnan di consulta espacioso.

Un optometrista ta un especialista di cuida di wowo di cual su funcion principal ta e examinacion di wowo y prescripcion di coreccion ora ta necesario. E ta check tambe e salud di wowo. Si tin problema, e lo manda e paciente pa docter di wowo pa tratamiento.

Ora cu nan a dicidi pa busca un optometrista, e pregunta tabata: Di unda? Loke cu Sr. Bowen tabata kier ta un hende cu tin e standard educacional cu ta requeri y preferiblemente un hende cu tin poco problema cu lenguahe.

A ser dicidi cu Colombia ta e mihor lugar pa cuminsa y entrevistanan a ser haci na Bogota. Srta. Ramirez a ser ofreci subsecuentemente e posicion pa cual el a acepta tambe. Dra. Ramirez ta un graduado di Universidad de la Salle na Bogota. El a gradua na 1983 y a traha na Instituto Oftalmologico.

**Y abo a busca bo
glas di KLIM caba?**

**Nan ta gratis ku
kompra di lechi KLIM**